

河南府縣志輯

中國地方志集成

民國鞏縣志


中國地方志集成

河南府縣志輯 ⑩

民
國
鞏
縣
志

上海書店 ● 巴蜀書社 ● 江蘇古籍出版社

民國鞏縣志



楊保東
王國璋
劉蓮青
張仲友
纂修

本書二十六卷、首一卷。現據民國二十六年
(一九三七)涇川圖書館刻本影印。卷十二第二
十一頁原缺。

序

鞏之爲縣自秦罷封建時得名二千年來至於今未之或改其疆域則晉隋以下時有伸縮割裂卒復完璧歸之其民族則上下數千年間不知幾經變遷幾經流轉今之圓顧方趾率自近代播遷而來試訪嬗蛻之蹤跡卽唐宋之士若渺焉不可復覩再進更無論矣若上溯遠古此地爲誰氏之居而譜牒云亡荒杳難稽除少數名流散見書史外餘均等諸灰燼由是言之則今日之秉筆纂述者若與鞏無限親密其遠祖亦尙不隸此邦不過名義上與古人前後同作息此土耳此類情狀不第我鞏爲然全國中如

鞏縣志序

一
經川圖書館刊

此者殆難殫述而惟黃河流域爲尤甚蓋自胡馬南下闔兵東來浩劫茫茫史不絕書血肉蕩爲塵埃人類又安能常保鄉土耶鞏縣之有志刊板於明之嘉靖今尙有其書再上無考有清一代續修者凡五乾隆以後寂焉無聞屈指至今蓋已百五十年民國肇興議修者屢矣因力難集中迭興迭仆迨至民十八年而志館出現主其事者以劉鏡湖先生爲最力此外文學之士張蘭圃孟芳臣宋益亭張和壘孫噪卿李允升等各量力資助詎事未半而鏡湖隕逝餘事責諸和壘從此領袖羣倫幡然更始中經多少障礙幸不阻於中途迤邐至癸酉歲杪告成鎮華口辛亥

光復之役厠身戎行從此國家多故機槍射天荏苒匝地士卒日加擴張責任日形重大夙昔所識之無至今荒落殆盡文字一途幾擯門外矣然而桑梓文獻素所關心以遙遙百五十年之久卽令急起直追尙虞放失舊聞已成滄海遺珠儻再遷延蹉跎珊瑚從何施網興念及此愆焉憂之故於修志之舉雖不能躬自執鞭始終樂爲贊助茲幸全編告竣復藉東阿南陽名筆裁正潤色揆之始願躊躇滿志矣披讀一過快然自足謹抒冒臆弁諸簡端民國二十六年歲次丁丑重陽前一日邑人劉鎮華序

鞏縣志序

二
經川圖書館刊

序

方志爲國史之縮影體製概同惟幅幀殊其廣狹然此就大國言之耳試洄溯春秋以上邾莒滕薛其提封略於今之縣埒抑或遜焉則幅幀亦何嘗殊乎我國方志肇自有宋始僅及望緊赤畿諸要地非縣之有志也迨文化日闢聲教廣被一般文人學士踵事增華凡山僻陋區江介下邑一本通都名郡例蒐羅彙萃成編由是附庸蔚爲大國志乘續紛出焉鞏志自乾隆五十三年出書後無秉筆纂述者其間陵谷之變遷風俗之嬗蛻政教之改移人才之興替一切損益沿革歷時既久文獻無徵亦本邑士大夫

鞏縣志序

經川圖書館刊

之羞也民國初元亡友王君搏沙與嵇縣長子美倡議續修除派員采訪外會聘名流主筆政旋因人事倥傯縣長調遷迄未實現民十一年毛縣長夢樓與張紳澹夫舊事重提招集閭邑能文之士設局進行前此訪稿疏漏者重事補采已駸駸華駟登坂矣乃未幾業師劉鏡湖張澹夫先後因事離縣已成規模又復星散雲流直至民國十八年始再開館舉行又四年而始告成其所以曠日歷時之久者蓋有故在曩昔修志率倡自官府大僚一檄各州縣奉令惟謹往往三二月竣事但求上符功令庶幾譴呵不加於願足矣茲則士紳主動官府不甚過問諸事務求詳

鞏縣志序

經川圖書館刊

盡人力不易集中公署案卷淪沒掌故無從尋檢資財仰給捐助不獲應時取攜加以縣長遷調幾同踐更其賢者尙略與委蛇餘則深閉固拒時或加阻力焉事本募年可成竟綿延至數載之久此中機緘非躬歷者不知也從事此役者以先師劉鏡湖爲最力而張蘭圃宋益亭孟芳臣李允升孫皞卿諸君子各本力所優爲同事贊襄余已追步後塵盪竿竊吹又復不敢自信躬請南陽張君中孚節次蒞館主裁慧眼濬識無微不照越至癸酉年終脫稿夫以區區縣志一編籌畫者若而人采訪者若而人纂組瞻錄者又若而人中閒積年累月遲之又久而始成事吁嗟艱哉書成久未付梓歲丁丑值劉主席雪雅養疴歸里慨解囊橐督促刻雕邑人多數心機到此始克結束回憶數年前捐款綰綰可謂原始要終厥功不其偉歟獨惜先師鏡湖生平一腔熱忱巍然獨隆垂暮之年猶孜孜於本邑之文獻乃竟中道訣別不及覩縣志之成撫茲一編不禁慨然累噓民國二十六年重九日邑人張仲友序

跋

丁丑夏雪公自都返豫自逸從車抵大梁雪公直趣鞏自逸小息亦南旋居無何復奉雪公電促赴神堤蓋七月中旬矣既晉謁出篋中書侈侈厚付之曰此新修鞏縣志藁也國家多故外患憑陵平津保相繼沒落豫居中土虞淪爲戰地藁未繕正未錄副今欲付之剞劂氏子其任校讐之役自逸受而讀之蓋創始於鏡湖劉先生卒業於和堦張先生而以良史才前後傾助則張先生忠夫周先生世丞功居多歷十餘年蒞事尤爲名作猶憶民國庚午鏡湖先生遣使贐手書以排纂屬自逸因謏陋固辭先生意殊

鞏縣志跋

一

怏怏今已歸道山矣撫今思昔慚感曷已茲重以長者命則校印固所不敢辭也奈弘詞奧義焉烏是懼維時座中和堦先生奮然起願以辨難析疑付郵筒相往來因攜汴交刻工馬志超志超居右司官口顧其門爲集文齋蓋三世精其業矣工將竣金石拓片道梗不得達自逸復奉父召疾返固則金石四卷劉微之克顯一手訂正也冬十一月告竣爲書二十六卷一千一百六十三番四十三萬零十百九十一字費以法幣計一千六百三十七圓以錢計一萬三千零九十六緡裝箱七外大書深刻內卷數隔離併合雪公前所校刊之中州先哲傳中州藝文錄中州文

徵續編中州詩徵天一閣鞏志裝箱三十有七月法幣一百十八圓零四角鞏志隨刻隨印先成三十部工料一百四十八圓六角增以郵資及復刻板片統耗法幣一千九百八十五圓六角三分均由雪公交訖維時省中紅糧餉七分黃米餉八分而工價每千字三圓八角仍守前十年所訂原約志超好義宜其能持久也今者雙方對峙於黃河一葦之杭動成騷亂飛機輒輒日擾汴市自逸慮板片之散失也來謀善地庋藏之因憶同治直隸曲周志載石工楊王二氏世業康熙山東新城志載王之垣所撰趙公去思碑於嘉靖物價有所考稽瞿兌之方志考謂爲可

鞏縣志跋

二

珍史料因敘述顛末俾後有所考云民國戊寅歲五月萬自逸跋

鞏縣志目次

輿圖第一

輿地沿革 疆域 第二

輿地村落 保里 第三

輿地古蹟上下 第四

大事紀第五

民政建置 第六

民政民俗 交通 第七

民政選舉 第八

民政學校上下 第九

鞏縣志目次

財政第十

職官名宦 第十一

人物上 第十二

人物下 第十三

列女第十四

藝文第十五

金石一 第十六

金石二 第十七

金石三 第十八

金石四 石窟叢存 第十九

經川圖書館刊

叢載第二十

志例第二十一

志原第二十二

文徵第二十三

文徵第二十四

文徵第二十五

文徵第二十六

鞏縣志目次

經川圖書館刊

縣志館組織大綱

一館址設舊城紫金山

一館長副館長各一係義務職

一聘編輯主任一員月薪五十元

一庶務一人除火食外月薪八元

一繕寫五人除火食外每人月薪六元

一校對一人月薪酌給

一門役勤務各一人每月工食酌給

一廚夫一人每月工食伍元

一特別採訪員及測繪員及揭碑帖者均臨時酌給資斧

韋縣志卷首

經川圖書館刊

一火食郵電筆墨紙張及一切雜費每月無定數

一刻木質鈴記一顆暨戳子一枚

一門禁宜嚴局外人不得闖入妨害公務

一本縣職員多係義務惟常川駐館者酌給車馬費

編輯公約

一凡採訪各稿先由總校審定然後分別門類轉送各編輯

一史志信今傳後事體極重不得涉及情面無論何項懿

行應由採訪員取諸公論不準私人自行乞請或託人

說項

一人物各傳最易生嫌編輯多係本籍尤宜審處如係本

員親屬均宜自行迴避由眾公酌

一編輯各項文件主筆者一秉大公局外人不得妄參末

議以昭慎重

韋縣志卷首

經川圖書館刊

一遇有疑難問題不能解決者須集眾詳加討論不憚再

四務求心安理得

附記

採訪起自十七年原議年終截止至次年三月中旬楊

縣長保東開會討論一切虞有疏漏延至十八年年終

截止

鞏縣縣志館職員姓氏

縣長

楊保東伯常

內鄉

王國璋席珍

太康

館長

孟廣信芳臣

西黑石關

副館長

劉煥東瀛仙

白沙

鑒定

劉鎮華雪亞

神堤

鞏縣志卷首

三
經川圖書館刊

纂修兼總校

劉蓮青鏡湖

大黃冶

張仲友和壩

寺灣

參閱

劉鎮海澤普

神堤

讐校

萬自逸純安

固始

編輯

田春同荔軒

禹縣

張嘉謀中孚

南陽

張南陔蘭圃

乾清寨

宋經裕益亭

神堤

張祐澹夫

琉璃廟溝

李惟人允升

二十里舖

張維渠西銘

神堤

劉維賓潞塵

神堤

吳東鼎新甫

胡坡

孫紀熙皋卿

羅莊

舊采訪

董以威惠夫

北侯

鞏縣志卷首

四
經川圖書館刊

李玉田秋濤

東作村

陳潤德玉甫

巴溝

王度鉢伯功

新溝

韓麗生金泉

馬峪溝

梁烜仲溫

石關

董毓楷子模

北侯

柴尙榮仲植

柴溝

閻心同濟臣

羅口

王心恕

羅口

徐逢瀛續臣

念子莊

孫友信鏡吾

羅莊

常廷俊冠卿

東侯

牛錫祺介臣

城內

劉欣恂子如

王溝

康爾弟子詒

康店

趙純一希文

大峪溝

閻明道宗程

劉蘇村

劉瑞九用甫

羅口

李朝楹丹陞

羅口

閻德本

羅口

采訪

周鴻賓伯序 西侯

路德鄰芳齋 堤東

趙連城完夫 迴郭鎮

劉懷音協五 柏峪

李光第幹臣 蘇村

姚銘子青 魯莊

馬綬榮紫巖 半箇店

馬聞軒 侯兩河口

劉淑珩楚卿 茶店

丁新科 進之柏溝

吳樹枏茂山 東黑石關

牛星燦炳若 東黑石關

崔建策猷卿 白沙

陳廷選漢卿 益家窩

李紹膺 孝義

崔重協仙若 孝義

任存理義門 清易鎮

李憲章紹斌 和義溝

鞏縣志卷首

五 經川圖書館刊

張廷楹丹礎 清易鎮

劉永卓肇臣 石灰廠

孟憲璵玉甫 西黑石關

徐洛濱希程 徐柏坡

焦建功子敏 醴泉村

康永春同甫 康店

劉士勳石青 醴泉村

韓得璽玉符 馬峪溝

張毓森蔭南 張嶺

焦丹桂馨山 焦灣

馬炳暄濟潤 神堤

白俊英萬卿 水峪

馬延祚叔錫 神堤

康衛蔭支 康溝

焦殿安仁山 水峪

鄭晨鐘醒寔 石板溝

張懷仲孝儒 城南街

劉欣俊子元 王溝

張鴻慶熙亭 石灰務

宋德裕優如 巴溝

李欽典敘五 倉西

曹景周復東 洛口

楊樹聲瑞魯 南關

馬鳳圖獻瑞 圪塆峪

孫士禮龍門 魯村

楊天純哲甫 西栗林

馮四箴銘齋 馮寨

李獻箴展六 小相

李向育參化 永安村

王步周復東 桑家溝

楊蓮波植亭 小相

劉知儔仲穎 大黃治

張維行孝先 趙城

張星樞位中 南官莊

賀錦標 東作村

王中興光漢 王河

袁淑璟子方 羽林莊

李德鄰子芳 涉村

劉公盤銘三 大黃治

李宗裕宅民 白治河

鞏縣志卷首

六 經川圖書館刊

趙三益裕亭 蔡莊

盧樹芝祥軒 北官莊

李化南 北官莊

李元勳利五 過溝路

魏松亭鶴鳴 塢羅

閻廷俊甸庵 迴郭鎮

特別采訪

張樹棠芾庵 石灰務

常廷英彥卿 東侯

賀朝宗海樓 孔子溝

范廣瀛仙洲 孝義

劉克顯微之 益家窩

校對

周光新春軒 羽林莊

繕寫

周克明俊卿 羽林莊

張萬卿公輔 口灰務

崔春茂榮卿 崔莊

張克儉廉吾 清易鎮

邵東祥甲三 迴郭鎮

張正玠介玉 馬鞍山

孫金聲 羅莊

庶務兼會計

孟光德容甫 西黑石關

鞏縣志卷首

七 鞏川圖書館刊

修志捐款姓氏

劉雪亞捐洋壹千元

商務會捐洋貳百伍拾叁元陸角

第五區捐洋壹百元

趙仁甫捐洋壹百元

吳翰卿捐洋壹百元

趙名山捐洋壹百元

李肖庭捐洋壹百元

張 礪儒 寶臣捐洋壹百元

趙晏亭捐洋伍拾元

程功甫捐洋伍拾元

康庭蘭捐洋肆拾元

趙得魁捐洋叁拾元

第四區捐洋叁拾元

張光炎捐洋叁拾元

張光甲捐洋叁拾元

楊逢春捐洋叁拾元

焦清枝捐洋叁拾元

陳炳華捐洋叁拾元

鞏縣志捐款姓氏

張光彩捐洋叁拾元

張光蔭捐洋叁拾元

王向南捐洋叁拾元

劉 蘭青 統正捐洋伍拾元

李桂一捐洋貳拾元

劉克顯捐洋拾伍元

周榮會捐洋貳拾元

劉懷 新 遠捐洋貳拾元

閻鴻恩捐洋拾元

姚天德捐洋拾元

鄧榮增捐洋拾元

鄧嵩山捐洋拾元

馬貫一捐洋拾元

邵海明捐洋拾元

徐尙謙捐洋柒元

姚錫麟捐洋柒元

姚明堂捐洋柒元

姚書芳捐洋柒元

張和春捐洋柒元

姚桂馥捐洋柒元

鞏川圖書館刊

邵敷五捐洋柒元

張錦章捐洋柒元

周明光捐洋拾元

劉占標捐洋柒元

趙三亭捐洋伍元

張增銘捐洋伍元

路德明捐洋伍元

李光烈捐洋伍元

賀清德捐洋伍元

賀樹榮捐洋伍元

趙永貞捐洋伍元

趙同善捐洋伍元

閻維新捐洋伍元

鞏縣志卷捐款姓氏

經川圖書館刊

鞏縣志卷二

邑人劉鎮華鑒定

邑人 劉蓮青 纂輯
張仲友

邑人劉鎮海參閱

固始萬自逸營校

輿地志 沿革 疆域

鞏非大縣而去洛陽近自來建洛爲都則鞏實爲東道
揔塞之要然疆域併杭迭更置縣當周甫亡而秦未號
皇帝之時斯其爲名最古後漢省西京之平晉省偃師
則平與偃師之地有宜入鞏者後齊廢鞏其時偃師未
復則鞏之地有宜入宜遷河陰者宋割偃師鞏之地而
立永安又省緱氏則緱氏之地有宜入永安者元廢芝
田并入於鞏鞏之疆域蓋至明始定自明以前其分合
之由文字湮滅第足舉其大都而未易覲縷村落保里
戶口於今能詳而於古有其蹟可尋者亦不得而廢山
則南北相峙而河洛交匯於其間亦千古談揔塞之區
之著有聲稱者也志輿地

沿革

唐屬豫州

虞屬豫州

鞏縣志卷二

輿地 沿革 一 經川圖書館刊

夏屬豫州有鄆

己酉志引竹書紀年帝太康卽位居斟鄩於洛表羿
入居斟鄩帝仲康卽位居斟鄩徐箋按前漢書臣瓚註
曰斟鄩在河南汲郡古文太康居斟鄩又左傳郊尋註
河南鞏縣有地名鄆中括地志故鄆地在洛州西南五
十八里又曰於周又爲鄆羅之邑其後或以鄆名或以
羅名實一地也于今爲羅莊在鞏西南五十里按謂爲
鄆羅之邑其說實本於水經注水經注曰洛水又東北
歷鄆中水南謂之南鄆亦曰上鄆也逕訾城西司馬彪
所謂訾聚也而鄆水注之鄆水又東南於訾城西北東
入洛水洛水又東逕訾城北又東羅水注之水出方羅
川西北流蒲池水注之水出南蒲陂西北流合羅水謂
之長羅川亦曰羅中也蓋胙子鄆羅之宿居故川得其
名耳循鄆之說洛水逕訾城西而鄆水注之洛水又東
逕訾城北又東羅水注之謂爲一地恐未然也已酉志
鞏在夏時爲夏伯國引名勝志鄆城在鞏縣西南禹封
夏伯於此又爲陽無固引史記武王問周公曰自洛汭
延於伊汭居陽無固其有夏之居又引河南府志周書
所謂陽無固者鄆城別名也其城正在洛汭伊汭之間
或以陽無固爲登封陽城陽城在嵩高南洛汭伊汭俱

鞏縣志卷二

輿地

沿革

二

經川圖書館刊

在嵩高北何得以陽無固爲陽城蓋陽城亦在鄆城封
內故禹避舜之子於陽城示欲守舊封之意竹書舜命
夏后有事於太室太室鄆山鎮也在禹封內故主其祀
迨武周營洛諄諄無違天室者其亦徵諸鄆城歟己酉
志又夏爲有洛氏國引尚書五子之歌太康畋於有洛
之表汲冢周書有洛氏宮室無常池囿廣大工功日進
以後更前民不得休農失其時饑饉無食成湯伐之有
洛以亡又引河南府志太康居斟鄩畋於有洛則有洛
國當近鄆城解經者皆言洛表爲洛水之濱不知有洛
實國名也有洛見於夏初而亡於成湯蓋於夏祚相終
始矣按國語韋昭注曰禹都陽城伊洛所近史記集解
徐廣曰夏居河南初在陽城後居陽翟正義引帝王世
紀云禹封夏伯今河南陽翟是漢書地理志陽城陽翟
皆屬潁川郡是與鄆城無涉居陽無固在汲冢周書度
邑解史記則作居易無固索隱云言自洛汭及伊汭其
地平易無險固是有夏之舊居則史記確爲易字明甚
如以陽字卽陽城陽翟何得指爲鞏地李旣誤周書以
爲史記施府志旣謂陽無固非陽城而又謂爲鄆城別
名有洛氏見汲冢周書史記解然畋於有洛之表卽僞
孔傳亦祇言洛水之表水之南而不言國施府志謂有

鞏縣志卷二

輿地

沿革

三

經川圖書館刊

洛國當近鄴城皆爲想像之詞毫無所據

商屬豫州

周爲鞏伯國

己酉志引水經注鞏故城東周所居本周之畿內鞏伯國也山河兩戒考註昭二十二年子朝奔京鞏簡公敗績於京杜註周卿士今鞏縣西南三十里有故鞏城方輿紀要左傳昭二十六年晉師克鞏逐王子朝爾雅曰鞏固也四面有河山之固也又引河南府志按鞏伯之封當在周初鞏簡公其後也爲王卿士在東周子朝之亂時又左傳闕鞏之甲武所以克商也路史闕鞏國也是武周以前已有鞏國之封矣

鞏縣志卷二

輿地沿革

四 經川圖書館刊

按杜注闕鞏國所出鎧闕鞏二字相連爲國名非卽鞏地故續漢郡國志鞏下劉昭注曰鞏伯國未嘗及闕鞏顯王二年西周惠公封少子班於鞏以奉王號東周己酉志引史記考王封其弟於河南是爲桓公以續周公之官職桓公卒子威公代立威公卒子惠公代立乃封少子於鞏以奉王號東周惠公也名勝志顯王二年西周惠公封少子班於鞏以奉王號東周河南府志按東周之封在顯王二年而前府續志載考王十有五年西周公封少子云云前後相隔且百年是又讀史公周本紀

而誤者也周本紀曰考王封其弟於河南是爲桓公以續周公之官職桓公卒子威公代立威公卒子惠公代立乃封其少子於鞏以奉王號東周惠公史記本究考王封桓之始末而言之而自桓及惠已至顯王之世矣何得爲考王時已有東周公之封也

按河南府志謂東周之封在顯王二年何得爲考王時是本之史記正義所引郭緣生述征記班封鞏史記周本紀不言何王何年而六國表顯王九年集解徐廣曰紀年東周惠公傑薨傑應卽班則爲顯王時所封自可憑信

秦莊襄王元年滅東周武公韓獻鞏始置縣屬三川郡

鞏縣志卷二

輿地沿革

五 經川圖書館刊

己酉志戰國時半屬韓戰國策蘇秦說韓王韓有鞏洛之險史記莊襄元年蒙驁伐韓韓獻成臯鞏按左襄二年孟獻子請城虎牢以偏鄭杜註虎牢舊鄭地今屬晉十三年諸侯之師戍虎牢晉師城梧及制杜註梧制皆舊鄭地晉並取之不獨虎牢曰將歸竟未歸也則虎牢以西至鞏伯封界自襄王以後皆屬晉矣昭二十六年晉師納王知躒趙鞅首克鞏召伯遂逐子朝迎王晉師從己地入也其後韓分晉地鞏地遂半屬韓與東周君分鞏而治東周既滅其所保七縣皆爲秦所有韓之鞏是年亦歸秦矣

按虎牢梧制於鞏無涉可不必論左傳於昭公二十五年書尹文公涉于鞏焚東營也克是時鞏爲子朝邑二十六年書晉師克鞏謂爲敬王克子朝之邑也又書晉師使成公班戍周而還又於三十二年書王使富辛與石張如晉請城成周范獻子謂魏獻子曰與其戍周不如城之迨定公元年城畢歸諸侯之戍晉固未嘗據鞏又於二年書鞏氏之羣子弟賊簡公則鞏固爲周邑謂韓分晉地鞏地遂半屬韓晉實未有鞏地何得分地而半屬韓也謂蘇秦說韓有鞏洛之險爲韓半得鞏之證此本於史記索隱二邑本屬東周後爲韓邑之說無論

鞏縣志卷二

輿地沿革

六 經原圖書館刊

說士一時之言不根事實蘇代之約燕昭王稱秦正告韓曰我離兩周而觸鄭蘇秦說韓宣惠王在周顯王時燕昭王破齊在赧王三十一年若顯王時韓有鞏洛是東周久併於韓韓不僅得鞏之半何以相距多年蘇代尙稱離兩周觸鄭徐廣曰周比亡時凡七縣河南洛陽穀城平陰偃師鞏緄氏是周之亡時鞏尙爲東周完邑可信故正義於韓獻成皐鞏爲秦滅東周韓亦得其地又獻於秦且六國表是年於秦則曰蒙驁取成皐滎陽於韓則曰秦拔我成皐滎陽韓世家亦同特韓獻鞏旣書於秦本紀則不得謂爲無據是韓雖有鞏亦無幾時

決不能當宣惠王時已有鞏洛漢書地理志於漢所置縣必書某帝某年置於秦縣則否鞏下固不書漢置莊襄王滅周得鞏後卽置三川郡則鞏固秦縣

漢屬河南郡

漢書地理志河南郡故秦三川郡高帝更名莽曰保忠信卿屬司隸也

後漢屬河南尹

續漢百官志河南尹司隸所部

魏屬河南尹

洪亮吉補三國疆域識河南尹屬司州

鞏縣志卷二

輿地沿革

七 經原圖書館刊

晉屬河南尹

晉書地理志河南郡屬司州

按晉書地理志無偃師太平寰宇記謂偃師至晉始并入洛陽然杜預注左傳尸氏謂在鞏縣西南偃師城晉實分偃師入洛鞏也至隋開皇十六年復置偃師則自晉以至東魏鞏之境域爲廣魏書地形志河南郡後漢晉爲尹後罷司馬德宗置是江右時固爲尹江左安帝時乃名爲郡晉書特就最後者言之故職官志曰河南郡京師所在則曰尹也

洪亮吉十六國疆域前趙鞏屬河南郡郡屬荊州後趙

鞏屬河南郡郡屬司州後屬洛州前燕鞏屬河南郡郡屬洛州前秦鞏屬河南郡郡屬豫州後燕鞏屬河南郡郡屬豫州後秦鞏屬河南郡郡屬豫州

安帝義熙十二年屬河南郡

宋書州郡志司州刺史晉江左以來淪沒戎寇雖永和太元王化暫及太和隆安還復湮沒武帝北平關洛河南底定置司州刺史治虎牢領河南郡河南領鞏

宋屬河南郡

宋書州郡志少帝景平初司州復沒北虜

後魏屬滎陽郡東魏屬成皐郡

鞏縣志卷二

輿地

沿革

八

經川圖書館刊

按魏書地形志成皐郡天平元年分滎陽置鞏天平初屬是自泰常八年克宋司州之後鞏卽屬滎陽至東魏天平始改屬成皐於志二郡皆屬北豫州

北齊廢

隋屬河南郡

隋書地理志後齊廢開皇十六年復河南郡舊置洛州大業元年改曰豫州三年改爲郡

按鞏至開皇時復故後周無鞏隋州不領郡大業三年以前逕屬於州三年以後則屬於郡

唐屬河南府

唐書地理志河南府河南郡本洛州開元元年爲府屬河南道

五代屬河南府

按舊五代史郡縣志五代史職方考皆於縣之視唐而改隸他州者乃書鞏不書蓋緣唐之故可知郡縣志本之開元十道圖而曰河南道西京河南府職方考不言十道而曰洛陽梁爲西都後唐爲洛京晉爲西京漢周因之是時十道旣不屬於一國則職方考之不言道者爲是五代旣於洛陽置尹置留守則郡縣志之書府者爲是已酉志遺去五代故補之朱全忠雖於唐末請改隸河陽疑未幾而復故也

鞏縣志卷二

輿地

沿革

九

經川圖書館刊

宋屬河南府

宋書地理志河南府屬京西北路又永安縣本陵寢景德四年升鎮爲縣

按景德四年割鞏偃師二縣地爲永安縣嘗店以南無復鞏有同時汜水縣改爲行慶關其地半屬鞏東境又政和三年升永安縣爲永安軍端平元年史嵩之露布遣郭春詣奉先縣汎掃祖宗諸陵永安軍奉先縣皆不見地理志疑升縣爲軍之時縣與軍不得同名故因奉先橋而改爲奉先縣嵩之上露布時金已亡金改永安